


Qhoi Xapheluve

Jisu Khristo
Ideighini Keu



Akumzapu Kuchouqo
Kiphi Kichekutsu

8



Jisu Khristo ide ighike lono ashekhou xaphekulu shinani. Hipauye timiqono inipugha khisa kughachekeu toikeu kumo. Ishi ayeghiqha hipau lo shiluksa, ghichheghime, akhuamuzu, kuqakumulo eno shilukeusa ajeli kutomo ghenguno okukumusu eno okuxu kutakihikeu ani. Ikemu ghulo lakhiye noye tipaqo launo putosuvono ililaikexu lo iloluvunani.


Eno tiye akichiqhikepu sutsakivi lakhike kumokeshea? Ikemu xaphekulu kumla hipau ye ayeghiqha lo anguagha kupumi sakiphemi lakhino o xaphelunikeu kumo. oxaphelunikeu ye kumtsu Shoqau (Superior) Jisu ke. Jisu no akiniu ayeghi lo ide ighinikeu ghili kutomono ithipimi eno kumsumimikeu ani. Tighenguno ningu ado luno Baibel lo Pano ide ighiniye akeu ghili phujuno achipi ithitoilu eno vethaluno Pa ikighilo kusajelukepu shini.

1

Jisu no akiniu ide ighiniye akeuye suchouno ighinani ipikeu noye pulu anima?

“Khristo ye ... akiniu pephe ipeghinani” (Ibrimi 9:28). “Ino wuno nongu ghenguno a-a kutoluve aye Niye ide ghinani” (Johan 14:3).

Khokichile: Iye! **Mathi 26:64** lo, Jisu Pa ampino Pa ye ayeghi lo ide ighinikeu ghili pichho puwo puatsu ani. Puloshoqhi aqau lo Pano ayeghi lo atughiu ighinikeu ghili tungkuputsa lo kiu piqhi puatsukeno tikumtsu shikupuvea. Titoi Pano akiniu ide ighinikeu ghi shikupunani. “Kuchoyehsu ye hephove mla” (**Johan 10:35**). Jisu no kiu piqhiveakeno tiye khilemu shikupumokeuye shimonani ipikeu kiquke. Ninguno thebei ithi eno pulu akeuye Pa ye kuchouno suchouno ighinani.




2

Jisu no akiniu ide ighikelo Pa ye kiu ghola lono ighinaniepikela?

“Pano thime hipaqo piqhiveke thiu, timiqo no Pa ju- ghi Pa sasu ikuve, eno khungkusu kimiye lakhi ighieno panongu nhekithi lono Pa saluve. Kughou panonguno kungugha kudau Pa sasu ikuvekeu ju akeno, julio, tilehi timi kini aphi kimiye pepuno panongu phivilo puthugho aghi, eno panongu vilo, “Galileemiqo, nongu ye kushiye kunguu jupuku anikea? Jisu hipau, Khiu nongu launo sasu kungugha lo ikuveakeno, Pa sasu kungugha lo ikuvekeu nonguno ithulu akeu ghola lono Paye ide ighinani” (Apostolmi 1:9-11).

Khokichile: Kuchoyehsu lono pi akeuye, Kiu ghola lono Jisu sasu ikuvekeno tipau ghola lono Pa ye itaghi ayeghi lo ide ighinani. Pano kiu ghola lono ikuvekeno tipau tho Pa phimpi xapusu thumpi lakhi shieno kumtsu nhethino ithulughi khungkusu lono ighinani. **Mathi 24:30** lono pi akeuno, “Panonguno timi Nu kungugha lo khungkusuqo gholono akuka kije lono ajukuvu kije gholono ighikeu ithulunani.” “Paye timi phimpi xapu, ashi eno aghi puno khungkusu lono ighinani” (**Luk 24:36-43, 50, 51**). Pa ikighi anhethi kumtsuno vezalei eno thebei ithulunani. Kuchou hipaqoye Kuchoyehsu lono mutsumishei pitsu ani.



3

Khristo no akiniu ide ighikeuye timi kumtsuno ithulu nanikeo, maye kishekiphemiqo likhino ithulu nanikea?

“Julo Paye khungukusuqo gholono cheni, eno anhethi kumtsuno Pa ikighiju ithulunani” (Piyekusu 1:7). “Kipelauno tsutsuphapha kulolau ghi ithulu chekeu tloi, timi Nu ighikelo ghi tishinani” (Mathi 24:27). “Ampeu no Pakutoshi kungugha launo ashekushu sutsa lakhi lono akughushu kungumi lakhi sutsa lono eno Alhou fuko ghugha gholono iqighinani, eno Khristo lono thi akemiqo paghi xuchile puthunani” (I Thesaloniami 4:16).

Khokichile: Jisu no ide ighikeu ayeghi lo xu aghikemi timi, totimi, eno anga noqo kumtsuno ithulu nani. Pa ikighi kuvu huno ayeghi aqha lakhi lono lakhilo yepuvu nani, ayeghiqha hipauye Pa ikighi kuvu huno tsutsuphapha kukulo kuvu toi yepuvuluve nani. Eno akichiqhikepu kumla hipau lono Jisu kupulumi thi akemiqo kumtsu kudaputhuve nani.

Hi ithilo: Pano akiniu ide ighinikeu hipau ye ayeghi lo kuxumi luthu kumtsuno ithulunani, Hamino hi I Thesaloniami 4:16 lo pipuakeu tsa pesu kusuuno sasuwuvenani ipi cheni. Tile xaluvekemiqo ye iqunheishieno kusuuno sasuwuvenani ipi cheni. Ikemu Baibel lo atsajo hipau lono pi akeuye Ampeu no asutsa kuloghi lono asheshunani, afuko ighanani eno kithimiqo kudaputhuve nani. Jisu no akiniu ide ighikelo khilemu iqunheimo nani, momu aghungu lono timi lakhi mulo lo iloghikeumo shimonani, momu timi luthu lakhi lau pephe Piyekusu ipeghikeumu shimo nani. Timi qono Jisu ide ighinikeu ghili ajeli kutomo iqiphenokuputsa, kugha eno pulu acheni. Baibel no pi akeuye Jisu no kungugha lo ikuvekelo kiu ghola lono ikuvekeno tipau tho lono ide ighinani. Aghungu lono kumo, ikemu Pa phimpi atho xapusu khungukusuqo ghola ide ighinani.

4

Pano akiniu ide ighikelo khiunoqo Jisu ghola ighinani eno kiu shiniye ighinanikea?

“Kughou timi Nu no Pa jukuvu kije lono ighinikeno tile akimithemi kungumiqo kumtsu Pa ghola ighinani, eno tile Pa ye Pa jukuvu kukalaku shou iku iqano ighinani.” (Mathi 25:31).

Khokichile: Pano akiniu ide ighikelo kungugha lo kungumiqo kumtsu Jisu ghola ighivenani. Kughou khungukusuqo kuvu no ayeghi kupunu ighivenikeno tile Jisu no Pa ghinimi kungumiqo ayeghi lo puwuve nani eno panongu pelo paikhavi lono amikuchomi khiunoqono kugugha lo ikuvenike kutope aghikeqo pekutsu sasuwuvenani (Mathi 24:31).



5

Jisu no ayeghi lo ide ighiniye akeu kimiji ye kiu kea?

“Julo, Niye itheno cheni, eno I saxu lno l gholono pesu ighinani, pututa kumla kiki lono pesu tsunike ghenguno.” (Piyekusu 22:12). “Ino ide ighieno nongu l gholo sasu wuni, eno lno khilehi ngonikeno tilehi nongu pelo ngopenani.” (Johan 14:3). “Pano Jisu Khristo puutsu nani ... Pa pelo thime kumtsu luchileluve penike ghenguno.” (Apostolmi 3:20, 21).

Khokichile: Jisu ye Pa kupulumiqo xaphelunike ghenguno ighinani. Pano panongu sasu wo panongu ghenguno kutope qhipuakeu ki lo qhivenani.

6

Jisu akiniu ide ighikeklo amikuchomiqo ye kishivenanikea?

“Ampeu no Pakutoshi kungugha launo iqighiani ... eno Khristo lono thiakemiyo paghi xuchile puthuve nani, tishieno ningu achilishi xu aghikemiyo gholono kumtsa khungkusu lono iku amulhu lono Ampeu sasu kusholunani” (I Thesaloniami 4:16, 17). “Ningu kumtsu pekilivenani, kithimiyoqo shipusave kumlapu lo ithughivenani, kughengu thivechekeu hu thivekumlapu lo pekilisuve nani.” (I Korinthiami 15:51-53). “Ningu ye puloniqhiyi shieno ... Jisu Khristo ikighi khe ani, Pano ningu phimpi akiqiu hipau pekilipesu Pa jukuvu phimpi lo suvetsunani.” (Filipiame 3:20, 21).

Khokichile: Kхиunoqono xu achekelono Khristo ikhilo chekemu thivekeno panongu kumoki launo ithughivenani, eno tokhoikeu eno thive chemokeu phimpi pesu panongu tsuvenani eno Ampeu sasu kusholunike ghenguno khungkusu lono ikuve nani. Akupulumi achilishi xu aghikemiyo ghi aphimpi kithe lo kilisuvetsunani eno sasu iku amulhu lono Ampeu sasu kusholuve nani. Tishieno Ampeu no panongu kumtsu sasu kungugha lo ikuve nani.



Hi ithilo: Jisu no akiniu ide ighikelo Paye iqi ayeghi dimonani. Akimithemi xaluvekemiyoqono amulhu lono iku Pa sasu kushonani. Tighenguno timiqono nongu pishiqhilunike ghenguno Pa ye London lo ngo anie, New York lo ngo anie, Moscow lo ngo anie, momu ayeghi aqha kutau lakhi lo ngo anie ipie pinamu khilemu tipaqa tsa pulu kevalo. Kichileu chrsitoqo ipeghieno ayeghi lo amichipu kumla kutomo shipiyenani (Mathi 24:23-27). Jisu no ide ighikelo Paye ayeghi lo kumono iku khungkusu lo ngovenani.

7

Jisu no ide ighike lo pulumokemi ayikusamiqo ye kishivenani kea?

“Pa kichi lo tuthu huno ayikusamiqo kutsavenani” (Isaya 11:4). “Tipau tsala lo Ampeu no ghiqhivekemiqo ayeghi cheku lakhi lono wo lakhi kutolo chhivenani” (Jeremiya 25:33).

Khokichile: Ampeu hebide ghi axine kumla shichekemiqo ye Pano ighikeu jukuvu kuka huno yeqhi pithivenani.

8

Jisu no ide ighikelo ayeghi hipau ye kishivenanikea?

“Tile ayeghi kughutha kije shinani, ayeghi shou timi kughuna ighikelo hitoikeu tsutsang kumo tsutsuiLuku khilemu shi ipeghimphi ... tilehi zudo yeghiqo kuhave, naghutoqo ithumlave” (Piyekusu 16:18, 20). “Ino ju, eno julo, Kuchouno athi pithi chekeu aluchichu chekeu chhighaqo huno aghasaqha shive, eno tipau lo aphughiqo hu Ampeu nhekithe lono suleqhive eno supholekhave” (Jeremiya 4:26). “Ampeu no ayeghi pesu abokumsa shivetsu, eno peithamonikepu toi qhive ... ayeghi ye qhoi abokumsa shive.” (Isaya 24:1, 3).

Khokichile: Ampeu ighikelo ayeghi kughutha kije (tsutsuilukeu) huno ayeghi kughalovenani, eno ayeghi ye qeti kutsalevenikeu lo ngove nani.

9

Baibel lo Jisu no ide ighinikeu ghili ghututsukeu tsape tsupanikeshea?

Khokichile: Iye. Jisu no Pakutoshi hitoi piqhi puani; “Kughou nonguno thime hipaqo shi ipeghikeu ithulunikeno ado ye kupunushevea- ahukikha philo ipeghivea ipi ithilo” (Mathi 24:33). Ampeu no Pano kungugha lo ikuvekeu lono huthuno wo ishi kutolo Pano ide ighinikeu michipuqo qhipuatsu ani. Hi aqhou julo:

A. Jerusalem kutsavenikeu lono amichipu Piyekusutsu.

Tungkuputsa: Achine ki shipuakeu tu lakhimu lakhi shou bepe momu kuqape aghimonani ... Judeaa lo kughuna kuamiqo naghuto lo povelu” (Mathi 24:2, 16).

Shikupuveku: Jerusalem ye AD. 70 lono Rommi ghushimi akijeu Tito no ighieno kubolevetsu.

B. Shikighimeku ghime kije sholunani:

Tungkuputsa: Tile ghichhe ghime kije anani, hitoikeu ayeghi huthukeu lono wo tipau do kutolo shi ipeghimphikeu sholunani. (Mathi 24:21)

Shikupuveku: Tungkuputsa hipau lono akuzu tiqheli dolo ghichhegime do ighinikeu kiche puwotsu. Ado aghuloki hipau do lo Khristomi kukuhou no alaizunenikeu ghili kichepuwotsu. Hipau lo ampe 1,000 shou luve. Ado

aghuloki hipau do lono alaizuvekeu kukuhou no Khristomi-million 50 shou ghiqihivetsu. "Ayeghiqha xu-lhe lo khiuno kukaqha nomu hitoi akipimi kuhakemi timi asale jih pelekeu ithumla aphi." *W.E.H. Lecky, History of the Rise and Influence of the Spirit of Rationalism in Europe (Reprint: New York Braziller, 1955), v, 2, 40- 45.*



C. Khetsunhe no zumaive:

Tungkuputsa: Ghichhe ghime tsalaqo ashekha shive kithishi khetsunhe no zumaive nani" (Mathi 24:29).

Shikupuvekeu: 1780 May 19 lo, thosulo shi ipeghi chemokeu kuzukutho kumzapu shive. Hipau ye aqhi khetsunhe yekhukilevechekeu shikeumu kumo. Hipau ghili aneithino thebei ithulukemino pikeuno, "May 19, 1780 mpelo pakutakeu kuzu tsala shive, aki akiqo lo akulu kuquthuve, aghauqono ighamove, yehu yewokeu shimove, awuqono pututa pusu lo yeikukhave. Aqha kumtsu lo timiqono hiye kughathabekeu tsala ighivekena ipi kumuseno eno kuputsa thuve."

Connecticut Historical Collection, Compiled by Johan Warner Barber (Second ed. New Haven: Durrie & Peck and J.W. Barber, 1836), 403.



D. Aqhi no ahji toi huchuive

Tungkuputsa: Tipani khetsunhe no tutsughupe akuzu shive nani eno aqhi no ahji toi huchuive nani. Ampeu tsala kije ighinike zulo thime hipaqo shi ipeghinani" (Joyil 2:31).

Shikupuvekeu: May 19, 1780 mpe lo khetsunhe no zumaiveke ji, aqhi no ahji toi huchuyive. Hipau ghili ithulukemino, *Stone's History of Massachusetts*, lono pikeuno, "tipaji aqhi ye akichhi lo shia, ikemu ahji toi huchui ipeghive"

E. Kungugha launo ayepuqo ighiqhive

Tungkuputsa: "Ayepuqono kungugha launo ighiqive nani" (Mathi 24:29).

Shikupuvekeu: 1833, November 13 ji akichiqhikepushi ayepu ghuqhikeu ithulu. Ighono vuqai, tipau kuvu lono kiyepi ghi philu. Ashekha ghuloki ighiveakena ipi

timiqono kumsuve. Hipau lo julo, hiye kughakichepu sulekutho lakhi shi ipeghi puani. Khristo no ide ighinikeu michipu tsukeqo gholo highi lakhi shi ipeghi puani. Hipau ghili kiyehmi lakhino pikeuno, "tipa ji ayepu ghuqhikeu kuvu huno ayikihedo bidi kutolo atsutsu yevuqai ake" ipi. *Pitor A. Millman, "The fall of stars" The Telescope, 7 (May-June, 1940) 57.*

F. Jisu ye khungkusu lono ighinani

Tungkuputsa: "Tile timi Nu ighinikeu mchipuqo ye kungugha lono ipeghinani, eno tile alaghaqo kumtsuno mulonani, eno panonguno timi Nu kungugha lo khungkusuqo gholono akuka lono eno ajukuvu kije lono chekeu ithulunani" (Mathi 24:30).

Shikupuvekeu: Hipau ye shiipeghimphi. Timi Nu no pephe ipeghikelo hitoi shinikeu pitsu ani. Noye atsala hipau ghenguno kutokithi anima?

10

Ayeghi xu-lhe kishekhavenikeu do tova ipi ninguye kishieno ithinani, eno tiqheli ashekhau ghili, ayeghi eno tipau lo kuxumiqo ghili Baibel ye kishi pipuanikea?

Khokichile: Ashekha tsalaqo michipu hami juni. Hipaqo ghili ithulukeulo noye akumzave nani. Ayeghiqha xu-lhe lo ashekha tsalaqo lo shi ipeghinikeu ghili hami phujuni.

A. Ashiaghu kishi eno akumuchho shikeu

Tungkuputsa: Kughou nono ashiaghu kishi sutsa eno akumuchho shikeu sutsa chilunikeno tile akichiqli thughuivevilo, kughengu thime hipaqo paghi shi ipeghinanike” (Luk 21:9).

Shikupu akeu: Ashiaghukishi eno kichikulu keu huno ayeghi lo timi asale asale kumzapu shou ikughi ani. Jisu no akiniu ide ighikeu likhino aghichhe aghime eno kuqakumulo hipaqo shipuhaluvenani.

B. Ngosukumla, akumusa, eno akughutha shi ipeghinikeu

Tungkuputsa: “Tilehi ... ayeghi shou aghichhe aghime kitikhi shiyehqo shou ikughinani. Avehughuzu kije sholu nani. . . akumusa launo timiqo kukumusu shikulotivenani, eno ayeghi shou kiu ikughuni chenikelapi kumsukimigheive nani” (Luk 21:25, 26).

Shikupu akeu: Ishi ayeghi hipau shou thime hipaqo shi ipeghi ani. Hilehi kiqijukepu kiqi lakhi ani. Ishi ningu ye ayeghi xu-lhe lo ashekhau tsalaqo lo momu tiqheli ashekhau lo ani. Ishi ayeghi hipau shou kiu shi ipeghi anikeno tipaqo ghilimu kumsupe akichiqli akepumu kuha. Hipaqo kumtsu ghili Khristo no pichhope qhivetsuake, tiye ningu pelo hipaqo ithulu puzu Pa ikighi tsala ghenghuno kutokithiluve penike ghenguno azuu no ningu lau kutughutsu anike.

C. Akighithi ikowove nani

Tungkuputsa: Danel 12:4 lo, “Ashekha ghulokiu akighithi kumzapu ikowo venani.”

Shikupu akeu: Ishi ningu ye thime thokha mlalei pekiyelu, sutsasuli mlalei pikiyeLuku tiqheli lo ighivekeu huno tungkuputsa hipau shikupu ani. Alhou puluchemokeqo ghi amichipu hipaqo



shikupuveke ithuluvea eno ikhilo auvea. Wovekeu tiqheliqo lo nguno alau ishi tiqheli hipau lono Phuiko alau ikovea, kusughu kithe alau phuphelu auvea, mlakiphe iqikiphe eno tinguno alau kutau akithe kutomo phuphelu auvea.

D. Pipusa piputhakeu, Achine kutha kugha shikeu eno pulumokeu

Tungkuputsa: "Ashekha tsalaqo lo pipusa piputhakeu eno Achine lo pulumokeu ipeghi nani" (2 Pitor 3:3). "Panongu ye kuchou kukutsu tsa lo amulo tsumovenani ... kuchou tsa kighini launo panongu kini sukugholovenani, eno kichileu kukutsu iniuve nani" (2 Timothi 4:3, 4).

Shikupu akeu: Ishi tungkuputsa hipau shikupu akeu ghili ithinikeuye kushokutsupu kumo. Achine lo sakiphemiqono Baibel lo Alhou no pulhoso puakeu kukutsuqo thavetsu ani. Noah tiqheli lo azukucho ayeghi hipau shou ighikeu pulu chemo, Khristo ye Alhou ke ipikeu ikhilo chemo. Khristo no akiniu ide ighinikeu puluchemo, tinguno alau Baibel lo kuchou kutau kutomo puluchemo. Aqoaho lo akighithimi kutomono lhothemiqo pelo Baibel lo kukutsuqo piputhavepe eno ilhoipeghikeu (evolution) ghili puluuve chenipe. Panonguno hitou Alhou kukutsu tsa kuchouye tuchilevetsu acheni.

E. Aqho lo kukumusuqo kumsukhomlave, eno aghungu lo kumlaqo lo tomlave

Tungkuputsa: Ashekha tsala qolo ... timiqono panolikhi pano kimiyeuve nani ... ghakusu kuhavenani, ...akivi ipikeuye shinishimove nani ... akimithe shikeghili shinani, ikemu tipau kuka ye thavenani" (2 Timothi 3:1-3, 5).

Shikupu akeu: Ishi America no aghungu lo kukupuna mta shi ani. Timi akuxu ghola kututa lo xu akemiqo kumtsuno tipau ghili pi ani. Timi kini



kumtsa kulakupu shikelo lakhi ye kukhoixave ani. Ishi tiqheli hipau lo timiqo ye Baibel lo amulo tsumova. Aghungu lo tsake ipikeu huno Alhou tsa shikupu auvea. Baibel lo ashekhou tiqheli lo kumla lhokusaqo ghili Yekikithi puakeu phijulo (2 Timothi 3:1-5) Kiyephiqo lo ishi nachumiqo (tiqhelimiqo) kumla lhokusaqo ghili phijulo.

F. Alokughunoshi xu anishikeu likhi phu auvea

Tungkuputsa: "Ashekha tsalaqo lo ... timiqo no alokughunoshi xu anishikeu likhi phuvenani ... eno Alhou ye kimiyemove nani" (2 Timothi 3:1, 2, 4).

Shikupu akeu: Ayeghi ye alokughuno shinishikeu phuueve. Timi aghulo likhino tamono akukuho lo ighi ani. Timi akichiu ye akukuho ghili mthano aghili ghili ju auve ani, kutau aghakiqipu ghiliqo ju auve ani. America mino pano pisa pesu Alhou kumla ghenguno puwove akeu kimighiju kelo pano pisa billion kumzapu pesu adou munomugho chuqu kusho lono puwove akeu ithulu ani. Ishi America miye pano lokughunopu kuxu lono pano kuakini puwove akeu hu 2 Timothi 3:4 lo pipuakeu shikupu ani.

G. Ayehza sumokeu kuxu lo ikughivea, kichighi muto ahji pelekeu kuxu lo ikughivea

Tungkuputsa: "Timiqo no ayehza sumono xuukhave nani" (Mathi 24:12) "Akumla lhokusano alau shivenani" (2 Timothi 3:13). Aji pekile kumlano ayeghiqha chive nani, kichighimutokeuno aphughi chhive nani" (Ezekel 7:23).

Shikupu akeu: Ayeghi aqha kumtsu lono amichipu kumla hipaqo shikupu ani.





Ayehza sumokeu kuxu huno ayeghiqha chhivea. Hekiqhi bukiqhi kumsa launo timiqo ye pano ki kulaghi loghi ipeghi msavea, kughengu aji pekile huno ayeghi chhitoiveake ghenguno.

H. Alhoayah shikupusano ihulovea

Tungkuputsa: "Tilehi aqha kumtsu lo tsutsuiLuku (ayeghi kughutha) kumzapu shinani, puqumiye eno pusakugha ihulove nani ... tile ayeghi lo shiyehqo shou amulo ghime kumzapu shivenani" (Luk 21:11, 25).

Shikupu akeu: Ayeghi kughutha, pasapagha mulhu, miyitsutsu eno azughizu kucholekeu no aqha kumtsu lo ado kumtsu lo alau alaushi ipeghi auvea. Aqha kumtsu lo timi kihikhakumla asale asale akhuamuzu lono, atughu lono eno akusu pithe lono kumzapu thileqheve ani. Ikemu tungkuputsa lono pi akeuno hitoikeu shi iphi ashekha do tonani.

I. Ashekhau tsape pesu ayeghiqha lau ghututsu ani

Tungkuputsa: "Akukaqha tsakiviu pesu ayeghiqha cheku kumtsu lo shiyeh kumtsu lau pikulhatsu nani, tipau no kumtsu lau thopi lakhi shinani, eno tithiuno ashekha do ighinani" (Mathi 24:14).

Shikupu akeu: Jisu Khristo no ide ighiniye akeu tsape ashekha pesu ayeghi lo atsa jeli akeu kumtsu lau pikulhatsu ani. Pano ide ighimphi zuuno akumla hipau kishekhavenani, timiqo pelo Pa ikighi ghenguno kutokithiluve penike ghenguno.



J. Timiqo no idewo aghunguqo sasus kusutsauve

Tungkuputsa: "Ashekha tsala qolo timi kutomono kuchou kupulu pheveno aghunguqo no pishiqhikeu kumla shikeu lo ilokhavenani, eno tipau puluuve nani" (I Timothy 4:1). Eno aghungu tipaqoye "Tughami ghunguqo ke" (Piyekusu 16:14).



Shikupu akeu: Ishi ayeghiqha lo shiyeh lo akutsu shiakemiyo ghi sukuqha no timi kutomono aghungu kukutsu ikhiluve ani. Aghunguqo kukutsu hu Khristo kukuhou loghi iloghi thuvea. Aghunguqo ye thive chemoe ipikeu kukutsu, khikhi Baibel lo kuhakeu kukutsu huno ighono akhotoshi kutsu eno peitha ani. Ikemu Baibel no pi akeuno, "kithimiye kiumu ithi chemoe" ipi kutsupiyee ani. (Hipau ghili akiphi kichekutsu 10 lo ghi julo)

K. Ampemi ngo akumlami pama dolo kukupuna

Tungkuputsa: "O lulo kuhumi jume nono kichiluvetsu kemiqono igha, eno panongu ghugha huno iku Ampeu kini lo iloveake ... amulo pebidelo, ... kughengu Ampeu ide ighinikeu do aw lo pe auveake" (Jems 5:4, 8).

Shikupu akeu: Jisu Khristo no ide ighiniye akeu tsape ashekha pesu ayeghi lo atsa jeli akeu kumtsu lau pikulhatsu ani. Pano ide ighimphi zuuno akumla hipau kishekhavenani, timiqo pelo Pa ikighi ghenguno kutokithiluve penike ghenguno.



11

Ampeu ide ighinikeu do ye kiutoi kupunusheveakea?

“Khughubo lono kiqipiyetsusukeu ghili

lono ithilulo. Kughou khughubo no mini ipeghi puzu anipa ikovenikeno mutsutsala tovekeu ghili nonguno ithive cheni. Titoi, kughou thime hipaço shikupu ipeghivekeu nonguno ithulunikeno ado aghuloki hu kupunushevekeu ghili ithilo- tipaue aw lo pe auveake. Ino kuchou nongu vilo pini, thime hipaço shikupumoke loye tiqheli hipau womonani (tiqheli hipau ashekha shimphi zuuno thime hipaço shikupukhave nani) (Mathi 24:32-34).

Khokichile: Baibel no hipau ghili mutsumishei kimichitsu ani. Piqhipuakeu michipuço shikupukha ayea, Ningu ye Pa ikighido eno atsala mtha (Mathi 24:36) ikemu ninguno ithi akeuye Pa ikighi do ye kupunushevea. “Alhou no piqhi puakeu hu itehino pai shiqhi khavenani” (Rommi 9:28). Khristo ye ayeghi hipau lo Pa wu timiqo xaphelunenike ghenguno pai ide ighivenani, noye kutokithiluveama?

12

Satan no Khristo ide ighinikeu ghili kichileu kutomo pesu pikulhatsu acheni, eno akimiki lono akichiqhipu eno akumzapu kumla kutomo mla acheni. Noye pishiqiqhi tipau lo ilomonike ghenguno kiu tsuqupe anikea?



Jisu no ide ighinike zulo Satan no Jisu shike ghilishi ighinani

“Aghungu tipaqoye tughamiqo ke, tipaqono amichipu kumlaço shi anike” (Piyekusu 16:14). “Kichileu Khristoço eno kichileu tungkupuço ipeghinani eno pishiqhinike ghenguno amichipu eno akumzapu kumlaço kutomo shinani, tsutsala tolukue aye kishekiphemi kutolo pishiqhive nani” (Mathi 24:24). “Ayehta kiqi lono eno ashepe kiqi lono, tsutsala panonguno hipau kiqi lono picheghimo aye tiye panongu lau akuvu kuhake” (Isaya 8:20).

Khokichile: Satan no amuquasuqe ajeli kutomo iqiphe puzu Jisu no akiniu ide ighiniye akeu ghilishieno timiqo pishiqhilunenike ghenguno akuvu kije lono pephe ipeghinani. Akumzapu akichiqhipu kumla kutomo shipiye puzu timiqo pishiqhiluveni ke ghenguno kichileu kukutsu kutomo pesu kutsunani, eno Khristo ighivae ipi asheshu igha vekipighi nani. Ikemu paye Khristo ide ighinikeu ghola Baibel lo tsupuakeu ghola lono ighimonani. Khristo no hi

pishiqiqhiu Satan muquliche ghili pesu ningu lau kutughutsu akeuno, “Khuu pelonomu kiu ghola lonomu nongu pishiqhive pemonike ghenguno kutokupui achelo” (Mathi 24:4). Pano pi, “Julo, Ino azuuno nongu vilo pi ighiveake” (Mathi 24:25) ipi anguno anguno ningu ghututsu ani. Jisu no pikeuno Pano ighikelo “Paye asayeliqa lo aghimonani, momu Paye kusu chebo lo ngo aghimonani” ipi. (v 26) Tsutsala ninguno Pano ide ighinikeu ghili ithitoi aghiaye Satan kichileu kukutsu ye khilemu ningu pishiqhilumo nani. Khristo no ide ighinikeu ghili Baibel lo tsupuakeu ithitoiluve aye Satan ye kiu ghola lonomu ningu pishiqhimla nani.

13

Jisu no ide ighikelo noye kutoluvea ipi kishieno ithinikea?

“Khiuno I lau ighinikeno Niye kiu ghola lonomu Pa milivemonani” (Johan 6:37). “Pa ikhiluvekemi kumtsu pelo Alhou nuliqo shiluve penike Pano achiipu tsunani” (Johan 1:12). “Ino I zahkutsuqo pesu panongu kukumusu lo qhivetsunani, eno pesu panongu mulo lo yehpukuvetsu nani” (Ibrimi 8:10) “Shikimithikeu pesu Alhou tsulo, Pano ningu Mpeu Jisu Khristo vechewono ningu pelo tokulu shiluveke” (I Korinthiami 15:57).

Khokichile: Jisu no pi; “Julo, Ino ahukikha phi lo puthughono kukhu ani, khiuana I sutsa chiluno ahukikha khaqi aye Ino pa lau iloghinani” (Piyekusu 3:20). Akimithe Ghungu vechewono Jisu no ningu mulo hukikha kukhu ani, eno ningu mulo lo iloghiniapi iniju ani. Tsutsala Pano okuxu pekilivetsunike ghenguno o lau ighi akeulo nono Pa khaqhisu aye Pano okuxu pekilivetsu nani, eno Pano oxine lhokusaqo kumtsu isuvetsu momu nuxavetsunani” (Rommi 3:25) tsutsala nono omulo pebideluve aye. Eno “opelo akimithe kuxu lo xulukepu kuka tsunani” (Johan 1:12). Aghokutsu lakhi shi ghi Pano Pa mikucho ghilisuqe pesu olau kophasutsu nani eno opelo msa ighumono Akimithe Lhou gizu lo puthugholukepu shitsu nani. Pa kupulo shitsukeu lono noye alokughuno ithulunani. Ishi timi kutomono hipau shou lipikeu acheni, ikemu kuchou ye qeti tishi kuchoushi achenani. Okuxu pesu Pa tsuvelo, eno Pa pelo ilo ololo xuluvepelo. Tishi aye Pano o gholo kuqhano okuxu pekilivetsunani, eno opelo Pa ikighi tsala ghenguno kutokithiluvepe nani. Aghokutsu hipau ye kumsano otsu anike, Okumlaye tipau ikhilunikeu likhike.



14

Khristo ye kumsapu kiu pesu ningu kutughutsu anikea?

“Kutokithiluvelo, kughengu timi Nu ye nonguno huqhehuli shimono ake suchedo lono nongu lau ighinanike” (Mathi 24:44). “Nongu kutoshi kutokughoi alo, tishimo aye nongu mulo huno ajikushoki, shokumuzu a lakhi shivenani, eno hipa yeghilo kuxu ghenguno kumsujukeu a lakhi shive no sake. Tipau tsala ye nonguno kumusumono momu huqhemono ake lono nongu lau ighiveno sake.” (Luk 21:34) “Noah tsalaqo lo shikeu toi timi Nu ighikeloghi shinani” (Mathi 24:37).

Khokichile: Hipau kuxu tuchonike ghenguno mighimughai akeu lo kumsapu ani. Axine lokughuno kuxu lo iloveno Noah ghulukilo azukucho lo iloputsuqhivekeu toi kumsapu ani. Ishi ghi timi asale asale no ado aghuloki titoikeu sasu kusholonani. Jisu ye itheno cheni, noye Pa ikighi ghenguno kuto anima?

15

Jisu no Pa wu timiqo salunike ghenguno chekeu lo noghi tile ilonike kutokithi anima?

Nono khochilenikeu:



Nono Iniju Keu Khochiletsu Ani

1. Aghichheaghime kije ye ighiniaphike kumokeshea?

Khokichile: Jisu no ighieno Pa wu timiqo xapheluvénike zulo aghichheaghime kumsapuno ayeghi hipau kuzupholuve nani. Danel tungkupuu no aghichheaghime hipau do aghuloki pesu “akukupuna tuqhudo lakhi” khilemu shiipeghmpheku ipi puani (**Danel 12:1**). **Mathi 24:21 lo** piakeu ghi “akuzu tiqheliqo lo” Alhou timiqo kughapesu shikighime eno asale kutomo kuxu chuvetsunani ipi puani.

2. Jisu no ighinikeu ye “putho lo kupukami lakhi toi” ighinani ipi puakeu ghili timiqo ye kishieno ithinanikea?


Khokichile: Hipau ghili khokichile **1 Thesaloniami 5:2-4 lono** ithulu ani. Ampeu tsala ye putho lo kupukami lakhi toi ighinani ipikeu ghili nono mutsumishei ithi ani. Tipau do aghuloki ighinike zulo timiqo no, “kulakishi eno xakulu” ipi ake lono zuleno totimi lakhi lau apunu kusu ighive chekeu toi panongu shou shikupusa ikughive nani, eno panongu ye tipau launo ijoipelumo nani. Ikemu “athikuzumiqo, nongu ye akuzu lo mi kumoke, tighenguno atsala tipau pelo putholo kupukami lakhi toi zuleno ighieno nongu zunathavepe kevilu” Hipau ghili piqabetsu akeuye, Ampeu ikighi tsala ye zuleno paikhavi ighivenanike ipikeu kiquke. Kupukami ighinikeu do aghuloki mthakeu toi, kutokithimono aghikemi ghengu ye zule toi nani, ikemu kutokithipe ngoke akemiqo ghengu ye khekulhoshi anani, Paul no timi tipaqo vilo “athikuzumiqo” ipi ku anike.

3. Khristo ye kughouno Pa kukaqha ayeghi shou puthunaniepi kea?

Khokichile: Piyekusu 20 lo pipuakeu toi, ampe 1,000 thiuno puthunani. Ampe 1,000 millennium ipi akeu hipauye Khristo no ide ighiveke nguno huthunani. Jisu no ide ighieno ayeghi lo amikuchomiqo pekutsu sasu kungugha lo iku ampe 1,000 ayehepe nani (**Piyekusu 20:4**). Ampe 1,000 ashekha shivekithishi Akimithe Phughi Jerusalem akitheu kungugha launo ayeghi lo iqighinani (**Piyekusu 21:2**). Tile kungugha lo akimithemiqo kumtsu ayeghi lo kiqighivenani (**Zekharia 14:1, 5**). Tile tiqheli tiqheliqo lo ayikusamiqo kumtsu xuchilepuhane nani (**Piyekusu 20:5**). Eno ayikusami tipaqo no aphughi hu leluvenike boluvenani (**Piyekusu 20:9**). Ikemu Kungugha launo ami iqighieno panongu chuyenani eno ami tipauno ayeghi hipau shikimitheve nani, axine akuhu aghu kumtsu shipuhave nani (**2 Pitor 3:10; Malaki 4:3**). Tithiuno Alhou no ayeghi kithe lhosunani (**2 Pitor 3:13; Isaya 65:17; Piyekusu 21:1**). Eno tipau pesu amikuchomiqo tsuve nani, eno Alhou no Pakutoshi panongu gholo ngonani eno panongu Lhou shinani (**Piyekusu 21:3**). Akimithe, eno alokivi lhoxuqo kumtsu luchilepe tokhoikeu julho lo suvetsunani, eno ashekha lo panongu ye Alhou no panongu ghenguno abothu lono pughu eno kutopuatsuke ki, khile tichetighe kiumu kuhakeu lo ngovenani. (Alhou yehkipe kukaqha akitheu kivi ghili akiphi kichekutsu 4 lo ghi phiju, eno hi ampe 1,000 ghili alau ithinike ghenguno akiphi kichekutsu 12 lo ghi phijulo).

4. Ningu ye kushiye Khristo no ide ighinikeu ghili tokhoi pesu kutsumono achenikea?

Khokichile: Tughami pelo hipau makho pupenani. Jisu no akiniu ide ighiniye akeu ye kupulumiqo ghenguno kukumugha lajupu lakhike ipikeu ghili Satan no ithi ani (**Tito 2:13**). Timiqo no hipau ghili ghuthu lakhi chiluve eno ithive aye panongu kuxu pekililuve puzu kutami vilo ghi pikulhave tsunosake ghenguno amuqukinu Satan no “akimithe shike ghili shichekemiqo (**2 Timothi 3:5**) zusuluve puzu panongu pelo “Jisu no akiniu ide ighiniye akeu shoqhi ye khile anikea? Ningu puh asuqo ghi zuukhavea, thime kumtsu abothu lono kiu acheneno tipau tho ishi ghi tishi aphike ipi igha achenipeke (**2 Pitor 3:3, 4**). Jisu no Pa juakoghe kiu xapusu ikuvekeno tipau tho kiumo kilimono xapusu ide ighiniye akeu pesu muthuthei shivetsu eno thavetsu akemiqoye Satan qemiqo ke.




5. Jisu no Luk 17:36 lo “lakhi sauvano lakhiu ye qhiveni”: ipikeu kiqilo Pa ghi kupulumi kusuuno sauvanikeu piqhi puanike kumokeshea?

Khokichile: Kumoe. Jisu no hipau tsa pikeuye tuqhouno momu kusuuno sauvanikeu tsa pikeu kumoke. Jisu no Noah tsala lo azukuchono ayeghi puhave eno ami no Sodom pitivekeu ghili hepho piyesutsu akelono hipau ghili pike (**Luk 17:26-37 lo phijulo**). Alhou no kishi Noah msape qhilo eno ayikusamiqo gholono Lot xaphelukeye ghili pi akelo Pano pikeuno, azukucho no ayeghi puhave eno ami no Sodom pitive (**v 27, 29**) kelo timi aghulo likhi xaluke, titoi timi Nu ighikeloghi shinani ipi (**v 30**). Hipau ghili Jisu no alau hepho piyesutsu, “timi kini alulo hu akelo lakhi ye qhiveno kutami lakhiu ye sauvanani (**v 36**) pulukemi ye xalunani ikemu pulumokemi ye qhivenani ipikeu ghili ningu ghi mutsumishei ithi ani eno kuputsa acheni. Jisu no ide ighikelo Paye khilemu tuqhouno momu kusuuno ighimonani, kughengu Baibel no pi akeuno “Pa ikighi anhethi kumtsuno ithulunani (**Piyekusu 1:7**) Khungkusu lono amikucho miqo sasus iku amulhu lono Pa sasus kushonani (**1 Thesaloniami 4:16, 17**), Pa ikighi nhekithe jukuvu huno ayikusamiqo yeqhipithive nani (**Isaya 11:4; 2 Thesaloniami 2:8**). **Luk 17:37 lo pi akeuno, ayikusami kithi sukumoqo ye alhuquqo no kishichuvenike suholuvenani (**Piyekusu 19:17, 18 lo julo**).** Jisu no ide ighikelo ayikusamiqo ye qhoi yeqhi pithikhave nani. (Hi Tuqhouno sauve ipikeu ghili alau ithinishi aghiaye nino kaku tsupuunike ni lau kusutsalo).

Hilehi okukumsu eno injuakeu pitsulou



01



02



03



04



05



06



07



08



09



10



11



12



13



14

Akiphi hipau ghi akiphi kichekutsu 14 gholo kakhi ke.

Akiphi kumtsu lo akumzapu kuchouqo, khipauno o kuxu eno no kibolomiqo kuxu pekilivetsu kulupu ani eno tipauno nongu sasu lhokta lajupu lo ighikulupu ani. Akiphigo gholo lakhimu vezuvekeu shikevilo.

Akiphi kichekutsu 01: Tile nono pulubeLukepu kiuana qhiveakeshea?

Akiphi kichekutsu 02: Alhou ye Tughami Ihosukeshea?

Akiphi kichekutsu 03: Akithi laono xapheluve

Akiphi kichekutsu 04: Tsutsu yeghiqha dolo Aphughi kije

Akiphi kichekutsu 05: Alokivi kulakupu tsapi

Akiphi kichekutsu 06: Atulaphaqo shou yehpukutsu

Akiphi kichekutsu 07: Xu-lhe lo atsala lakhi puhavekeu

Akiphi kichekutsu 08: Qhoi xapheluve -Jisu Khristo ideighini keu

Akiphi kichekutsu 09: Akutsughu eno Akuka

Akiphi kichekutsu 10: Kithimi ye kuchouno thiveakeshea?

Akiphi kichekutsu 11: Amiyizu ye Tughami pichepuani keshea?

Akiphi kichekutsu 12: Alokughuno mpe 1,000

Akiphi kichekutsu 13: Alhou no ashiahji kivi kupughu shitsu

Akiphi kichekutsu 14: Aghokulu ye ayezza lakhi shiveakeshea?

Kughou no no atughiu Akiphi Kichekutsu-u 14 pihigive nikeno itaghi niu mlakiphe akiyeh lono khulo:

Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishekha mphu zuwuno akiphi phijulou. Khokichile kumtsu akiphi kichekutsu lono ithulunani. Chejuno achipiu khokichile lo sutsulo. **Akikih** parentheses lo piyepuakeu (1) no khokichile achipiu ke.

Form tipau pichivenikeu ghenguno kimiye pu “Adobe Reader” peithalo.

1) Pano akiniu ide ighikelo (1)

Khristo ye luthu shi wo ayeghi lo aphughi hami xujunani

Khristo ye asayeli qhalo ipeghinani
Khristo ye khungkusu lo ngovenani eno amikuchomiqo pekutsuluveno sasu iku amulhu lono Pa sasu kushope nani

2) Kughou Jisu no ayeghi lo ide ighinikeno tile (1)

Amikuchomiqo likhino Pa ju ithulunani
Anhethi kumtsuno Pa ikighi ju ithulunani
Hipau ghili TV lono pithivekethiuno kumonapi aye khiunomu ithimonani

3) Khristo ide ighikelo amikuchomiqo ye kishinanikea? (2)

Amikuchomi thivekemiqo xuchileputhube nani eno thivechemokeu lo pekilisuve nani eno khungkusu lono sasu kunghugha lo ikuve nani
Amikuchomi xu aghikemiqo ghi thive chemokeu pesu tsuvenani eno khungkusu lono sasu kungugha lo ikuve nani
Amikuchomiqo ye ayeghi lo ngoveno ayikusamiqo mulo pebidetsu nani
Amikuchomiqo ye kusuuno sasu wuve nani.

4) Baibel lo amichipu tsupuakeu kiqi loye Khristo no ide ighinikeu do ye (1)

Kupunushevea, itheno pai ighivekepu shivea
Hinguno hilau ampe aqhepungu tsugho luniaphi
Paye ighiae

5) Jisu no ide ighikelo ayikusami xu aghikemiqo ye (1)

Amiyizu, khile alhokuthu piti chenikeu lo aghinani
Pa ikighi kuvuno yeqhipithive nani

Ghupe momu msape qhiveno amulo pebidelukepu dokivi tsunani

6) Khristo no ide ighinikeu kuchou ghili pipuakeu hi aghou phujuno amichi shitsulo (4)

Paye kusuuno ighinani
Pano ighikelono amulopebide nani
Paye khungkusu lono ighinani'
Khristo no ningu ghenguno ni kithizubo shou ighinani
Ayikusamiqo ghi Pa ikighi ju ithulunani
Kungumiqo kumtsu Pa gholo ighinani
Paye ayeghi diked shimonani.
Pa ikighi do eno atsala ithinani
Timi asaleno akichiqhivenani eno puhave nani

7) Khristo no ide ighikelo (1)

Ayeghiqha no kutokithipe khe aghinani
Ayeghi kughutha no ayeghiqha kusuthave nani.
Ayikusamiqo ye amulo pekilivenani

8) Ashekha ghuloki michipu tsupuakeu amichi shitsulo (7)

Ayeghi ye akiviu akiviu shiwove nani
Ampemi ngo akumlami pama dolo kichghi nani
Ayeghi itha nani eno pasapagha ighinani
Baibel lo kuchou tsupuakeu launo ikiqivenani
Timiqo no alokughuno likhi shi anishinani
Aqho lo kukumusuqo mikhemuzuve nani
Ayehza hexakeu akimighi mikhe iqighive nani
Puqumiye kije ighnani
Akighithi ikowove nani
Kutakihiqhikeu huno ngosumlano itho ipeghive nani

9) Kugugha lo amichipuqo gholo khikhiuno Khristo ide ighinikeu michipukea? (2)

Halley's comet no
1780 May qhi lo khetsunhe zumaivekeuno
1833 November lo ayepu ighiqivekeuno
Aqhi ayeghi lo ikiqighivekeuno

10) Jisu ye ayeghi lo pai idewo cheni ipikeu ninguye kishieno ithinikea? (1)

Baibel lono ashekha tsalaqo lo kiu shi
ipeghinanikeno kichepiyesu puatsukeu lono
Jisu ye pai ide ighivenanike ipi kutomono
puluvekeuno lono
Ighinikeu lo ghili pichekemino pikeu lono

11) Khristo no ide ighinikeu gholo eno ado (time) lono kutomo pishiqhive nani kughengu (1)

Alhou ye timi kumtsu xalunishi chemoke
ghenguno

Panonguno akumlla gho kupukunoshi
tsuchemoke ghenguno
Panonguno Baibel phieno kuchouqo ithimoke
ghenguno

12) Niye Jisu no ide ighinikeu ghenguno kutolunani tsutsala (1)

Pano ilo lolo xu aye
Ino tsalakipe kiyephi phi aye
Ino qechekeu l Mpeu l Lhou no shilopikeu shi
aye

13) Jisu no ide ighinikeu ghenguno nghi kutoniepi pughu achenike

lye. Moe.

Kungu inju puakeqo achipilo khochile tsulo!



Tilehi kihisuvani keghenguno oje, email eno thepiu kikihi sulou.

Owu akiphi kichekutsu KUMUSA no ithuluni keghenguno "Sulou" lo inalo.

Oje :			
Owu Email :			
Thepiu kikihi :			
Okungo-a :			
Aphugui, District :	State :	Aghaqhu :	
Pin :	Apunu mpe amqo:	Gender :	

Anile shi no kusutsa nikeu tipau tsulou